

AUGLÝSING

8

14. jan.

um notkun heimildar viðaukalaga nr. 126 1947 við lög nr. 50 7. maí 1946,
um almannatryggingar.

Ríkisstjórnin hefur ákveðið, að notaðar verði heimildir þær, sem henni eru veittar í lögum nr. 126 1947, um viðauka við lög nr. 50 7. maí 1946, um almannatryggingar, með þeim frávikum, að iðgjöld þau, samkv. 107. gr. og 112. gr., og framlög sveitarfélaga samkv. 114. gr. almannatryggingalaganna, sem um ræðir í 6. tölu-lið 1. gr. viðaukalaganna, skuli á árinu 1948 innheimt með vísitöluálagi, er miðist við 310 vísitölustig.

Tryggingastofnun ríkisins hefur verið tilkynnt þessi ákvörðun og henni falið að sjá um framkvæmd viðaukalaganna, að því leyti sem við getur átt.

Félagsmálaráðuneytið, 14. janúar 1948.

F. h. r.

Jónas Guðmundsson.

Gísli Jónasson.

Staðfesting forsetans á skipulagsskrá fyrir „Minningarsjóð Frjálslynda safnaðarins í Reykjavík“, útgefin á venjulegan hátt að mandatum af dómsmálaráðherra 16. janúar 1948. 9

Skipulagsskráin er þannig:

SKIPULAGSSKRÁ

fyrir gjöf Frjálslynda safnaðarins í Reykjavík til
Barnaspítalasjóðs Hringsins í Reykjavík.

1. gr.

Sjóðurinn heitir Minningarsjóður Frjálslynda safnaðarins í Reykjavík.

2. gr.

Sjóðurinn er myndaður af gjafafé frá Frjálslynda söfnuðinum í Reykjavík, að upphæð 73298.52 — sjötíu og þrjú þúsund tvö hundruð níutíu og átta krónur 52/100 — samkvæmt ályktun safnaðarfundar hinn 13. október 1946, er safnaðarslit voru ákveðin.

3. gr.

Tekjur sjóðsins eru vextir af eignum hans, eins og hann er á hverjum tíma.

4. gr.

Stjórn sjóðsins skal skipuð þrem mönnum, formaður sjóðstjórnar verði núverandi 2. prestur dómkirkjunnar í Reykjavík, séra Jón Auðuns, og að honum látnum taki ávallt sæti hans í stjórninni dómkirkjupresturinn í Reykjavík. Meðstjórnendur skulu vera formaður Kvenfélagsins Hringsins í Reykjavík og yfirhjúkrunarkona væntanlegs barnspítala Hringsins í Reykjavík. Ef einhver þessara aðila skorast undan að taka sæti í sjóðstjórninni, skal borgardómarinn í Reykjavík tilnefna mann eða menn í staðinn.

5. gr.

Stjórn sjóðsins ber að annast vörzlu og ávöxtun sjóðsins á hverjum tíma.

9

16. jan. Höfuðstól sjóðsins má aldrei skerða og árlega skal leggjast við hann $\frac{1}{5}$ hluti ársvaxta stofnfjárins.

6. gr.

7. gr.

Af ársvöxtum sjóðsins skal verja $\frac{4}{5}$ hlutum til styrktar fátækum börnum, er dvelja á væntanlegum barnaspítala Hringins í Reykjavík. Skal veita þeim styrki til að fullnægja persónulegum þörfum þeirra, sérstaklega fatnaðarþörf. Ef öllum vöxtum ($\frac{4}{5}$) verður ekki úthlutað árlega, skal afgangurinn leggjast við höfuðstólinn. Allir vextir leggjast við höfuðstólinn, þar til spítalinn tekur til starfa.

8. gr.

Stjórn sjóðsins veitir styrki úr sjóðnum og annast allar fjárreiður hans og reikningshald. Reikningar sjóðsins skulu endurskoðaðir af löggiltum endurskoðanda og birtir í B-deild stjórnartíðindanna.

9. gr.

Um styrkveitingar ræður einfaldur meiri hluti sjóðstjórnar. Styrkurinn skal veittur í peningum eða á annan hátt, eftir því sem sjóðstjórnin ákveður hverju sinni.

10. gr.

Þar til væntanlegur barnaspítali Hringins tekur til starfa og sjóðstjórnin samkvæmt 4. gr. er ekki fullskipuð, tilnefni borgardómarinn í Reykjavík þriðja mann í sjóðstjórnina.

11. gr.

Leita skal staðfestingar á skipulagsskrá þessari.

Reykjavík, 14. janúar 1948.

Í stjórn Frjálslynda safnaðarins í Reykjavík.

St. A. Pálsson. Guðm. Guðjónsson. Guðný Vilhjálmisdóttir. Ingi Árdal.
Sólm. Einarsson. Hulda Ingvarsdóttir. Lúðvík Bjarnason.

10

2. jan.

AUGLÝSING

um lækun aðflutningsgjalda á kornvörum og sykri.

Samkvæmt heimild í 3. gr. laga nr. 98 9. júlí 1941, sbr. lög nr. 129 29. des. 1947, um breyting á þeim lögum, hefur ríkisstjórnin ákveðið að fella niður frá 1. janúar þ. á. að telja til ársloka 1948 verðtoll af: baunum, ertum, linsum, hveiti, rúgi, rís með hýði eða án hýðis, byggi, höfrum, maís og annarri ómalaðri kornvöru; mjöli úr hveiti, úr rúgi, úr rís, úr byggi, úr höfrum, úr maís og öðru ótöldu; grjónum úr hveiti, úr byggi, úr höfrum, úr rís og öðru ótöldu.

Enn fremur að lækka um helming á sama tímabili aðflutningsgjöld af sykri, strásykri, höggnum sykri (molasykri), sallasykri (flórsykri), púðursykri, steinsykri (kandís) og toppasykri.

Auk þess hefur verið ákveðið, að ekki skuli innheimta verðtoll af farmgjaldi af ofangreindum sykri á sama tímabili.

Fjármálaráðuneytið, 2. janúar 1948.

Jóhann Þ. Jósefsson.

Magnús Gíslason.